

**Láhkaásahus Finnmárkku šládjes lastavuvddiid suodjalanplána birra.
Hánáleagi álbmotmeahci suodjaleapmi Deanu gielddas, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragrafas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

§ 1. Ráddjejuvvi

Álbmotmeahcci guoská čuovvovaš dálлонr./doallonr. Deanu gielddas: 30/1, 31/1, 31/101, 31/103, 34/1.

Álbmotmeahcci gokčá su. 2764 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 15 000. Álbmotmeahci dárkilis rájit galget merkejuvvot eatnamii. Čieget merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Deanu gielddas, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

§ 2 Ulbmil

Suodjaleami ulbmil lea sealluhit measta lihkatkeahces lastavuovdeguovllu ekovuogádahkan oktan buot lunddolaš šattodagain ja ealliiguin. Guovllu erenoamáš kvalitehtat leat dan boares ládjosaš ja doppe leat maiddá šládjes jeakkit. Guovlu lea dieđalaččat mávssolaš sieđgarođuid šládjaguovlun. Guovlu lea erenoamáš seagáš sadji mas leat mánggalágan šládjes lastavuovddit.

Álbmotmeahci luondduvuđđosa dikšun lea dehálaš sámi kultur- ja ealáhusávkkástallamii. Guovllu galgá sáhttit geavahit boazodollui.

§ 3 Suodjalanmearrádušat

Álbmotmeahccái gustojit čuovvovaš mearrádušat:

1. Šattodat, dás maiddá jápman muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcai lea gildojuvvon.
2. Eallit, dás maiddá beasit ja biejut, leat ráfáiduhthojuvvon vahágahttima, bilideami ja dárbbasmeahtun ráfahuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čađahit, mat rievdadit luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkkanusaid, guođdit kámpenvávnnaid, bráhkáid jed, fatnasiid giddet boijjaide dahje guođdit gáddái, bidjat eatnanbajábeallásaš jođđasiid, eanajođđasiid ja duolvačáhcebohciid, hukset geainnuid, roggat goivvohagaid ja eara láhkai goikadit eatnamiid, váldit, deavdit ja vurket mássa, luoitit kloáhka dahje eará

čoahkáiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhttinávnasin. Nuoskkideapmi lea gildojuvvon. Logahallan ii leat dievas.

4. Mohtorfievrruid geavaheapmi olggobealde ráhkaduvvon biilageainnu lea gildojuvvon. Áibmofievrru girdileapmi ja seaivun lea gildojuvvon.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhtta vuhtiiválddidettiin ráfáiduhhtinulbmila lálkkaásahusain gielddit dahje muddet johtolaga oppa álbmotmeahcis dahje dan osiin.

§ 4 *Oppalaš spiehkastagat*

3. § mearrádusat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.

3. § nr. 1-3 mearrádusat eai hehte:

2. Geavaheames guovllu guohtumii.
3. Geavaheames goikeovssiid káfedollii.
4. Čoaggimis murjiid ja borramušguobbariid.
5. Bivdima ja gárduma fuođđolága vuodul ja guolásteami luossa- ja sáivaguolástanlága vuodul.
6. Ortnegisdoallamis dálá visttiid ja rusttegiid.
7. a) Doaimmas- ja ortnegisdoallamis dálá energiija- ja fápmorusttegiid. Geaseheapmi mohtorfievrruin gáibida sierra lobi, gč. 5. § nr. 3.
b) Divvumis dárbbu mielde el-fápmolinnjáid fáhkka el-fápmojávkama oktavuodas. Go geavaha mohtorfievrru geaseheapmái, de galgá maŋŋá diedihit hálddašaneiseváldái.
c) Dási buorideames/ođasmahttimis el-fápmolinnjáid ja stuorrudeames jođasrastáčuohpahaga nu ahte sáhtta loktet gealdodási nu guhká go dát ii eaktut mearkašahhti fysihkalaš rievdadusaid mat rihkkot suodjalanulbmila. Geaseheapmi mohtorfievrruin gáibida sierra lobi, gč. 5. § nr. 3.
8. Čorgemis bálgáid.
9. Dárbbášlaš mohtorjohtolaga buohcci ja lálpmášuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá diedihit bearráigeahččui.
10. Njábemis eanemusat 10 m govdošaš avádagas vuovddi lobálaččat huksejuvvon barttaid birra. Jalgen galgá ráddjejuvvot.
11. Ávnnasteami duoji várás.

3. § nr. 1-4 mearrádusat eai hehte:

12. Vuodjimis muohtaskuhteriin dohkkehuvvon muohtaskuhterláhtu mielde. Álbmotmeahcis ii leat lohpi earránit skuhterláhtus.
13. Vuodjimis muohtaskuhteriin dárbbu mielde boazodoalu oktavuodas.

§ 5 *Vejolaš spiehkastagat ohcama vuodul*

Hálddašaneiseváldi sáhtta ohcama vuodul addit lobi:

1. Čuohppat sogiid iežas atnui.
2. Hukset šalddiid ja roviid, cegget galbbaid ja merket bálgáid.
3. Johtalit mohtorfievrruiguin dárbbu mielde go lea doaimmas- ja ortnegisdoallamin dálá enegiija- ja el-fápmorusttegiid ja buorideamen daid dási.
4. Geasehit mohtorfievrruiguin dárbbu mielde dálvesiivun visttiid ja rusttegiid ortnegisdoallanávdnasiid.
5. Geavahit mohtorfievrra dárbbu mielde dálvesiivun muoraid geasehit.
6. Johtalit mohtorfievrruiguin dárbbu mielde bievlan boazodoalu ja eanadoalu oktavuodas.
7. Geasehit mohtorfievrruin dárbbu mielde báhččojuvvon ealggá.
8. Johtalit mohtorfievrruiguin dárbbu mielde hárjehallanvuodjima oktavuodas dakkár áigumušaiiguin, mat leat namuhuvvon 4. § 1. čuoggás.
9. Buoridit daid el-fápmolinnjáid dási dahje ođasmahttit daid el-fápmolinnjáid maidda ii guoskka 4. § 7. čuokkis.
10. Hukset ođđa fápmolinnjáid go dat ii rihko suodjalanulbmila.

Boazodoalu várás lámččojuvvo vejolašvuohta oazžut mánggajagáš lobiid, mat boazodoalus galget oktiordnejuvvot ja válđojuvvot mielde orohatplánii boazodoallolága vuodul, nu ahte ealáhusain sáhtta bargat dohkálaš vuogi mielde.

§ 6 *Oppalaš sierralohpemearrádušat*

Hálddašaneiseváldi sáhtta spiehkastit lámkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkkašahtti mávssolaš bargguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

§ 7 *Dikšun ja hálddašanplána*

Hálddašaneiseváldi, dahje dat geasa hálddašaneiseváldi fápmuda válđdi, sáhtta čadahit dikšundoaibmabijuid maiguin ollašuhtta suodjaleami ulbmila. Sáhtta ráhkaduvvot hálddašanplána mas sáhttet leat dárkilet njuolggadusat dikšuma várás.

§ 8 *Hálddašaneiseváldi*

Luondduhálddašandirektoráhta mearrida geas galgá leat hálddašanváldi dán lámkaásahusa vuodul. Sámi beroštusat galget fuolahuvvot dan hálddašanortnegis mii ášahuvvo.

§ 9 *Fápmuiboahhtin*

Dát lámkaásahus boahhtá fápmui dálán.